

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2535-1/12
Sarajevo, 14. 9. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17.09.2012

Organizaciona jedinica	Klasifikaciona oznaka	Redni broj	Broj priloga
		01-50-1-15-32	12

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje, dostavlja se

Vijeće ministara Bosne i Hercegovine je na 19. sjednici održanoj 13. 9. 2012. godine utvrdilo Odgovor na pitanje koje je postavila Nermina Čemalović, zastupnica u Zastupničkom domu Parlamentarne skupštine Bosne i Hercegovine.

U pritvku prosljeđujemo Odgovor radi njegova dostavljanja zastupnici.

S poštovanjem,



GENERALNI TAJNIK

Zvonimir Kutleša



BOSNA I HERCEGOVINA
VIJEĆE MINISTARA

Broj: 05-07-1-2555/12
Sarajevo, 13. 9. 2012. godine

Nermína Ćemalović, poslanica u Predstavničkom domu Parlamentarne skupštine Bosne i Hercegovine, na 32. sjednici Predstavničkog doma Parlamentarne skupštine Bosne i Hercegovine, održanoj 19. jula. 2012. godine, postavila je sljedeće poslaničko pitanje:

“Dali se planiraju razmatrati i donijeti Zakon o osnovnim pravima lica sa invaliditetom Bosne i Hercegovine i Zakon o medicinskom vještačenju Bosne i Hercegovine?”

Na postavljeno poslaničko pitanje Vijeće ministara Bosne i Hercegovine je na 19. sjednici održanoj 13.9.2012. godine, utvrdilo sljedeći

ODGOVOR

U skladu sa članom 15. Zakona o ministarstvima i drugim organima uprave Bosne i Hercegovine („Službeni glasnik BiH“, broj: 5/03, 42/03, 26/04, 42/04, 45/06, 88/07 i 35/09) Ministarstvo civilnih poslova Bosne i Hercegovine ima koordinirajuću ulogu između ostalih oblasti i u oblasti rada, zapošljavanja, socijalne zaštite i penzija, a što se neposredno reflektira i na prava lica sa invaliditetom u Bosni i Hercegovini kao i na njihov položaj.

Shodno odredbama Aneksa 4. Opšteg okvirnog sporazuma za mir u Bosni i Hercegovini, Ustava Bosne i Hercegovine, pitanja koja tretiraju prava osoba sa invaliditetom u Bosni i Hercegovini se nalaze u isključivoj nadležnosti entiteta, odnosno regulisana su entitetskim zakonodavstvom i zakonodavstvom Brčko distrikta Bosne i Hercegovine.

Ministarstvo civilnih poslova Bosne i Hercegovine je u okviru svojih nadležnosti koordiniralo i obezbijedilo jasne preporuke i mišljenja entiteta i Brčko Distrikta BiH i vodilo proces donošenja „Politike u oblasti invalidnosti u Bosni i Hercegovini“, kao i učestvovalo u izradi ovog dokumenta, zajedno sa Direkcijom za ekonomsko planiranje BiH i entitetskim Vladama, Vladom Brčko distrikta i predstavnicima nevladinog sektora.

Vijeće ministara Bosne i Hercegovine na 46. sjednici, održanoj 8. maja 2008. godine, razmotrilo je i usvojilo dokument "Politika u oblasti invalidnosti u Bosni i Hercegovini", a koji je na prijedlog Ministarstva civilnih poslova Bosne i Hercegovine, objavljen u “Službenom glasniku Bosne i Hercegovine”, broj 76/08 od 22.09.2008. godine.

Ovo je prvi dokument na državnom nivou kojim je Bosna i Hercegovina iskazala opredjeljenje da licima sa invaliditetom osigura puno poštovanje ljudskih prava i jednake mogućnosti za puno učestvovanje u životu zajednice, a prilikom izrade istog uzeta su u obzir Standardna pravila UN-a za izjednačavanje mogućnosti za lica sa invaliditetom.

U obavezi prioriteta Evropskog partnerstva, jedan od prioriteta Bosne i Hercegovine je i da se "Učine dalji naponi da bi se poboljšala situacija lica sa onesposobljenjima i njihovog socijalnog uključivanja".

Vijeće ministara Bosne i Hercegovine, na prijedlog Ministarstva civilnih poslova BiH, usvojilo je 2009. godine Informaciju o aktivnostima Vijeća Evrope u oblasti invalidnosti i Akcioni plan Savjeta Evrope za promovisanje prava i punog učešća u društvu lica sa invaliditetom: poboljšanje kvaliteta života lica sa invaliditetom u Evropi 2006.-2015., koji daje smjernice za djelovanje evropskim državama u svim aspektima zaštite prava lica sa invaliditetom. Tom prilikom Vijeće ministara Bosne i Hercegovine je svojim Zaključkom, a u skladu sa koordinirajućom ulogom, zadužilo Ministarstvo civilnih poslova BiH da učestvuje u koordinaciji implementacije ovog Akcionog plana, kao i da promoviše usvojene preporuke Vijeća Evrope iz ove oblasti.

Shodno propisanim nadležnostima i navedenom Zaključku Vijeća ministara Bosne i Hercegovine, Ministarstvo civilnih poslova Bosne i Hercegovine koordinira entitetskim institucijama prilikom promoviranja navedenog Akcionog plana i preporuka, kao i drugih usvojenih dokumenata Vijeća Evrope iz oblasti invalidnosti, te na taj način intenzivira saradnju sa Vijećem Evrope i nadležnim državnim, entitetskim i institucijama Brčko distrikta BiH, a u cilju poboljšanja položaja lica sa invaliditetom u Bosni i Hercegovini.

Vezano za promociju i implementaciju Akcionog plana Vijeća Evrope za promovisanje i puno učešće lica sa invaliditetom u društvu u Bosni i Hercegovini, Vijeće Evrope je organizirao "Trening za socijalne radnike i druge profesionalce koji rade sa licima sa invaliditetom u Bosni i Hercegovini". Trening je održan od 20. do 22. juna 2012. godine u Sarajevu, a Ministarstvo civilnih poslova Bosne i Hercegovine je bilo suorganizator i domaćin seminara.

Ovaj trening je početna obuka za socijalne radnike koji rade sa licima sa invaliditetom, uz pristup invaliditetu koji se zasniva na ljudskim pravima. Učesnici su stekli znanja iz sektora socijalne zaštite kako je usaglašeno u Osnovnim ciljevima edukacije o evropskoj socijalnoj zaštiti (BESCLO) što je potrebno za sticanje Evropskog sertifikata za socijalnu zaštitu (ECC).

Vijeće ministara Bosne i Hercegovine je donijelo Odluku o formiranju Vijeća za lica sa invaliditetom BiH na svojoj sjednici 19.10.2010. godine. Vijeće ima 20 članova, jednu polovinu čine predstavnici svih nivoa vlasti a drugu predstavnici organizacija lica sa invaliditetom od društvenog interesa u entitetima. Predstavnici Ministarstva civilnih poslova Bosne i Hercegovine učestvuju u radu ovog Vijeća.

Na svom 4. sastanku održanom 21. juna 2012. godine, Vijeće je usvojilo Program rada Vijeća za period 2012. – 2014. i Inicijalni izvještaj Bosne i Hercegovine o implementaciji UN konvencije o pravima lica sa invaliditetom.

Bosna i Hercegovina je u Razvojnoj strategiji BiH, koja se priprema u predpristupnim obavezama prema Evropskoj Uniji, definisala potrebu izrade posebnog dokumenta „Strategija socijalnog uključivanja Bosne i Hercegovine“. Ministarstvo civilnih poslova Bosne i Hercegovine je u saradnji sa Direkcijom za ekonomsko planiranje Vijeća ministara BiH učestvovalo u izradi ovog dokumenta, a koji je u formi nacрта izrađen u junu 2010. godine.

Šesti cilj Strategije socijalnog uključivanja Bosne i Hercegovine odnosi se na poboljšanje položaja lica sa invaliditetom u okviru kojeg su identifikovana tri prioriteta koja treba regulisati na svim nivoima vlasti kroz primjenu 11 mjera.

Vlade Republike Srpske i Federacije Bosne i Hercegovine usvojile su „Strategiju za unapređenje društvenog položaja lica sa invaliditetom u Republici Srpskoj 2010-2015“, 2010. godine, odnosno „Strategiju za izjednačavanje mogućnosti za lica sa invaliditetom u Federaciji Bosne i Hercegovine 2011- 2015“, 2011. godine.

U toku sprovođenja gore navedenih aktivnosti, Ministarstvo civilnih poslova nije moglo doći do zaključka da su entiteti spremni da se ova oblast reguliše Zakonom na državnom nivou, posebno imajući u vidu njihovu isključivu nadležnost.

Takođe, Ministarstvo civilnih poslova BiH do sada od entitetskih organa vlasti nije zaprimilo inicijativu, za donošenje Zakona o osnovnim pravima lica sa invaliditetom i Zakona o medicinskom vještačenju Bosne i Hercegovine. Ukoliko se zaprimi inicijativa za donošenjem ovih zakona na državnom nivou, naše ministarstvo će poduzeti sve aktivnosti i dati svoj puni doprinos u skladu sa Ustavom i zakonom propisanom nadležnošću.